

# Bae Mbanjgubuz Yawj Ranzcanx Gaeuqgeq Bouxcuengh

## 走进古朴屯 看原始的壮族杆栏式建筑

□ Lauzdog iog



▲ Ranzcanxvax aen dep aen.

◀ Mbanj gea gok ndeu.

► Aen marin neix daj Ciuheingh couh miz lo.



▲ Saeurin dingjdaemx aen ranzcanx hwnj sang.



▲ Vunzmbanj ciengx nonsei gai reh demlai souhaeuj.



▲ Laj faexlaux bakmbanj dwg gizdieg vunzmbanj yietliengz.



▲ Geij diuz donghrin dingj aencanx.



▲ Aen daizheiq ndaw mbanj.



◀ Naihlaux naengh bakdou ranz muengh lwglan okrog dajgoeng haenx dauqma.

▲ Aendaemz rom-raemx laeng mbanj.

Mbanjgubuz dieg youq Gujli Cunh Bwzgwng Yawj Yinhcwnz Yen, aenmbanj sam mbiengj byasang hophumx, ranzcaep dwg yiengh ranzcanx Bouxcuengh gig denjhingz de, gij yiengh aenranz seuqset ndei yawj, daepdoq gig miz daegsaek, gaenq miz geij bak bi lizsij, dwg yiengh caizliu caensaed yenzgiu vwnzva Bouxcuengh mbouj raen miz geijlai aen ndeu, caemh dwg gizdieg ceiqndei guh lijyouz daegsaek fungcingz Bouxcuengh ndeu.

Mbanjgubuz daengx mbanj miz 47 ranz 128 vunz, vunzmbanj cungj dwg Bouxcuengh, cienz-bouh dwg singq Vuengz. Ranghdieg baihnanz mbwn hwnngdat fwndoeik lai, seiqlengq cumxcwdewd, lij ciengzseiz miz raemxrongz cungdongj roengz-

daeuj. Bwzgwng Yawj dwg rangh diegbya, miz liuhrin lai, gij ranzcanx ndaw mbanj, caengzdaeij gaq hoengq, aeu saeurin guh diuzgaq cix mbouj deng nduknaeuh, saeurin roxnaeuz saeufaex dingjdaemx gij naekcaem gwnz bam, seiq mbiengj mbouj caep ciengz, aeu daeuj ciengx bitgaeq, cwzvaiz, mou yiengz caeuj dong fwnzhaz cuengq haeuxraeh haeuxyangz doengh gijneix; gwnz bam cix aeu saeufaex daemx youq gwnzsang, hawj vunz youq, yienghneix guh le, gawq ndaej re cumx, caemh ndaej fuengz duznyaen, ndaej miz haujlai yiengh yungh bw. Seizneix Mbanjgubuz miz 32 aen ranzcanx louzce ndaej haemq ndei.

Ranzcanx youq ndaej cwxcaih, hoeng refeiz, baizraemx,

veiswng doenghgij neix cix mbouj ndei guh geijlai, doengh bi neix daeuj vunz ndaw mbanj menhmenh ndaej vut gungz ndaw daeh miz ngaenz le, couh miz vunz cek ranzcanx gaeuq hwnj ranzlaeuzcien lo, ranzcanx gaeuqgeq cug bi gemjnoix. Doiq gijneix, vunzlai ndaw mbanj caeuj ndaw yienh mizgven bumwnz cix cien fueng bak geiq siengj banhfap comz ngaenz baujhu gij ranzcanx gaeuqgeq dijbauj Bouxcuengh raeuz neix, cimhra diuzroen gawq ndaej hawj vunz diegbya miz dieg hwnjguh ranzmoq youh mbouj yungh ceklid ranzcanx gaeuqgeq bae, hawj faenh yizcanj dijbauj ciuhgeq Bouxcuengh louzce roengzdaeuj neix daihdaih cienz roengzbae.